

BL


1900

L25P5

1783

V.2

EAST ASIAN LIBRARY
RM 8049 ROBARTS LIBRARY
UNIVERSITY OF TORONTO
TORONTO, CANADA M5S 1A5



老子德經攷異卷下

唐太史令傅奕定本

上德不德是以有德下德不失德是以無德上德無爲而不爲

河上公王弼作無以爲韓非子與奕同葉夢得不作非下德爲之而無以爲

無河上公王弼作有案應作有或奕本傳刻誤

上仁爲之而無以爲下義爲之而有以爲上禮爲之而莫之應則攘臂而仍之

仍王弼作扔案說文解字仍因也扔亦因也夏時有扔氏是此字



道德經卷一
故失道而後德失德而後仁失仁而後義失義而後禮
韓非子四而後下並有失字
夫禮者忠信之薄而亂之首也

諸本無也字

前識者道之華而愚之始也

王弼無也字韓非子始亦作首

是以大丈夫處其厚不處其薄

王符潛夫論作不居其薄與王弼本同

處其實不處其華故去彼取此

兩處河上公並作居王弼上處作處下處作居朱穆崇
厚論引上二句作處下二句作居

右第三十八章一百三十一言

河上公以此爲論德章

昔之得一者天得一以清地得一以寧神得一以靈谷得一以盈萬物得一以生王侯得一以爲天下貞其致之一也

王侯諸本皆作侯王河上公無一也二字陸希聲亦有貞或作正彭耜曰諸本貞作正避廟諱程大昌作得一爲天下正無以字

天無以清將恐裂地無以寧將恐發神無以靈將恐歇谷無以盈將恐竭萬物無以生將恐滅王侯無以爲貞而貴高將恐蹙

道德經疏義卷下
二
竭河上公王弼並作歇案應作渴河上公王弼作侯王
無以貴高將恐魔陸希聲與奕同王弼無以爲貴
故貴以賤爲本高以下爲基

河上公貴下高下並有必字文選藉田賦注同

是以王侯自謂孤寡不穀

諸本皆作侯王自謂下河上公有曰字穀作穀不穀之
義自古皆作穀善唯河上此注與高誘淮南王書注作

牙穀耳案其義是也

是其以賤爲本也非歟

河上公作此其以賤爲本耶非乎王弼作此非以賤爲

本耶非乎

故致數譽無譽

河上公譽作車王弼作輿案淮南子同弼陸德明以爲
弼本亦作譽谷神子指歸本又作造輿于無輿

不欲碌碌若玉落落若石

河上公作碌碌如玉落落如石王弼落又作珞案古無
碌碌珞三字珞應作落廣韻以公等錄錄爲碌碌說文
解字云碌隨從也廣韻是應用之歟

右第三十九章一百三十九言

河上公以此爲法本章

反者道之動弱者道之用天下之物生於有有生於無
河上公王弼顧歡並作天下萬物陸希聲同奕

右第四十章二十一言

河上公以此爲去用章

上士聞道而勤行之

河上公王弼勤而行之

中士聞道若存若亡下士聞道而大笑之

河上公王弼無而字

不笑不足以爲道故建言有之曰

河上公王弼無曰字

明道若昧夷道若類進道若退

河上公王弼進道句在夷道句之上薛致元與奕同類

河上公作類王弼明皇並作類

上德若谷大白若騫廣德若不足

騫河上公王弼並作辱作騫者所謂以白造緇是矣說文解字無騫字

建德若媮

河上公王弼作偷說文解字無偷字

質直若輪

河上公王弼作渝古字通如春秋渝平爲輪平是

大方無隅大器晚成大言希聲

稀本多作希同

大象無形道隱無名夫惟道善貸且成

右第四十一章九十七言

河上公以此爲同異章

道生一一生二二生三三生萬物萬物負陰而裒陽

裒諸本作抱非淮南子作背陰而裒陽

沖氣以爲和人之所患惟孤寡不穀而王侯以自稱也

河上公王弼並作王公以爲稱無也字穀河上公作穀
故物或損之而益或益之而損人之所以教我亦我之所
以教人

河上公王弼作人之所教我亦教之明皇作人之所教
亦我義教之

彊梁者不得其死吾將以爲學父

學河上公王弼作教

右第四十二章七十九言

河上公以此爲道化章

天下之至柔馳騁天下之至堅

彭耜曰葉夢得無騁字達真子堅作剛案淮南子無上之字

出於無有入於無間

河上公作無出於二字王弼並無下於字淮南子原道訓一引與奕同道應訓一引與河上公同

吾是以知無爲之有益也

河上公王弼無也字淮南子有

不言之教無爲之益天下稀及之矣

稀或作希諸本無矣字

右第四十三章四十四言

河上公以此爲偏用章

名與身孰親身與貨孰多得與亡孰病是故甚愛必大費
多藏必厚亡知足不辱知止不殆可以長久
河上公無是故二字王弼亦有

右第四十四章三十九言

河上公以此爲立戒章

大成若缺其用不敝

敝河上公王弼作弊

大滿若虛其用不窮

河上公王弼作大盈若冲李善魏都賦注作大滿若冲
大直若詘

河上公王弼作屈

大巧若拙大辯若訥躁勝寒靖勝熱

靖諸本作靜同

知清靖以爲天下正

河上公無知字王弼並無以字李約薛致元同王弼谷
神子指歸本作能清能靖爲天下正

右第四十五章四十二言

河上公以此爲洪德章

天下有道卻走馬以播

河上公王弼播作糞御覽引文子曰卻走馬以糞車軌
不接于遠方之外是謂坐馳陸泛彭耜曰朱文公本糞
下有車字謂以走馬卻糞車也頃在江西見有所謂糞
車者方曉此案韓非淮南引並作糞張衡東京賦引亦
有車字糞播古字通用

天下無道戎馬生於郊罪莫大於可欲

王弼無罪莫大句

禍莫大於不知足咎莫慝於欲得

河上公王弼慝字亦作大韓非作咎莫慝於欲利李約

慝作甚說文解字慝痛也古音甚慝同

故知足之足常足矣

本或無矣字

右第四十六章四十五言

河上公以此爲儉欲章

不出戶可以知天下

河上公王弼無可以二字陸希聲作不出戶而知天下
韓非子作不出於戶可以知天下

不窺牖可以知天道

河上公王弼亦無可以二字知並作見陸希聲作不窺
牖而見天道案韓非子作不闕於牖可以知天道說文
解字曰窺小視也闕閃也閃窺頭門中也方言凡相竊
視南楚謂之闕沅以爲穴中竊視曰窺門中竊視曰闕

道德經卷下
應川闕字老子楚人用楚語矣韓非是

其出彌遠其知彌尠

韓非淮南彌遠下有者字彌本皆作彌應用彌尠古鮮
少字諸本皆作少

是以聖人不行而知不見而名不爲而成

知本或作至

右第四十七章四十言

河上公以此爲鑒遠章

爲學者日益爲道者日損

河上公王弼無者字

損之又損之以至於無爲

河上公王弼又損下無之字邵若愚谷神子無以字
無爲則無不爲

則河上公王弼並作而

將欲取天下者常以無事

河上公王弼無將欲者三字

及其有事又不足以取天下矣

河上公王弼無又矣二字足河上公作可

右第四十八章四十八言

河上公以此爲忘知章

聖人無常心以百姓心爲心善者吾善之不善者吾亦善
之得善矣

得河上公王弼作德並無矣字

信者吾信之不信者吾亦信之得信矣

得河上公王弼亦作德亦並無矣字

聖人之在天下

河上公王弼無之字

歙歙焉

河上公作怵怵王弼作歙歙並無焉字蘇靈芝書明皇

注本作懔懔陸德明曰一本作懔懔河上本作淡淡簡

文云河上本作怵怵案今河上公作怵是與簡文所見

之本同古無懔字作怵是歙怵義聲相近

爲天下渾渾焉

河上公王弼作爲天下渾其心

百姓皆注其耳目聖人皆咳之

聚珍板王弼本無百姓句據陸德明釋文應有諸本皆有咳河上公作孩同

右第四十九章六十八言

河上公以此爲任德章

出生入死生之徒十有三死之徒十有三而民之生生而動動皆之死地亦十有三

河上公王弼作人之生動之死地亦十有三谷神子作而民生動之死地十有三案韓非子與奕同

夫何故以其生生之厚也

王弼本無也字

蓋聞善攝生者陸行不遇兕虎入軍不被甲兵兕無投其角虎無所指其爪兵無所容其刃夫何故也以其無死地焉

夫何故下河上公王弼無也字無死地下亦無焉字谷神子作以無死地

右第五十章八十七言

河上公以此爲貴生章

道生之德畜之物形之勢成之是以萬物莫不尊道而貴德道之尊德之貴夫莫之爵而常自然

爵河上公王弼作命明皇陸希聲同奕

故道生之德畜之長之育之亭之毒之

河上公作成之孰之王弼同義說文解字毒厚也釋名
亭亭也據之是亭成毒孰聲義皆相近

蓋之覆之

蓋河上公王弼作養

生而不有爲而不恃長而不宰是謂元德

右第五十一章七十二言

河上公以此爲養德章

天下有始可以爲天下母

諸本無可字

既得其母以知其子

河上公得作知以作復王弼同奕

既知其子復守其母歿身不殆塞其兌閉其門終身不

陸德明曰河上兌作銳

開其兌濟其事終身不救見小曰明守柔曰強

兩曰河上公本或作日淮南子作曰

用其光復歸其明無遺身殃是謂襲常

襲河上公王弼作習常葉夢得作篆案常襲古一字耳

右第五十二章七十三言

河上公以此爲歸元章

使我介然有知行於大道惟施是畏大道甚夷而民好徑
徑開元石刻作徑非是

朝甚除田甚蕪倉甚虛服文采帶利劍厭飲食財貨有餘
是謂盜夸盜夸非道也哉

夸河上公作誇王弼同奕韓非子財貨作資貨盜夸作
盜竽古從于字皆訓大故爾雅訐字大也又詩君子攸
芋毛傳芋大也說文解字大葉實根駭人謂之芋隸文
艸竹不分疑韓非竽應作芋矣夸誇字亦通

右第五十三章五十四言

河上公以此爲益證章

善建者不拔善裒者不脫

韓非子無二者字裒俗作抱非

子孫祭祀不輟

韓非子作以其祭祀世世不輟王弼子孫下有以字時
雍同弼

修之身其德乃真修之家其德乃餘修之鄉其德乃長修
之邦其德乃豐修之天下其德乃溥

河上公王弼五修之下並有於字韓非淮南同奕又明
皇陸希聲本皆同乃餘韓非作有餘邦本或作國漢人
辟高帝諱改也溥河上公王弼諸本並作普

故以身觀身以家觀家以鄉觀鄉以邦觀邦以天下觀天
下

程大昌無故字邦亦或作國

吾奚以知天下之然哉以此

哉韓非作也河上公王弼奚作何王弼并無之字

右第五十四章八十六言

河上公以此作修觀章

含德之厚者比之於赤子也

河上公王弼無者之也三字

蜂蠆不螫

河上公作毒蟲不螫王弼作蜂蠆虺蛇不螫依字蠆應作蠆蜂應作蠆漢書蝮蠆手則斬手蠆足則斬足卽螫之謂也說文蠆作蜚云螫也知兩字聲義同矣
猛獸不據攫鳥不搏

谷神子本二句到轉攫開元易州石刻作攫非

骨弱筋柔而握固

握葉夢得作捏非說文解字有擲無捏

未知牝牡之合而股作精之至也

股河上公作峻王弼作全徐鉉本說文解字股字新附而陸德明音義引之有子和切之言似唐本有而宋本無之未定何是陸希聲無也字

終日號而嗑不歎

河上公王弼作終日號而不嗑本亦作終日號而嗑不嗑彭耜曰古本無嗑字嗑不嗑莊子之文後人溷于老子所不取案此及谷神子李約皆有嗑字卽耜所云相沿之誤也嗑本又作啞陸德明曰當作噫玉篇引作終

日號而不嚶嚶從口從憂說文解字有嚶字云語未定
貌揚雄太元經柔兒於號三日不嚶玉篇是歎嚶之異
字嚶與嚶形近或者誤嚶爲嚶又轉嚶爲啞耳又或與
優通漢書東方朔傳伊優亞者辭未定亦卽是嚶此字
後人多亂惟奕本爲近焉

和之至也

本或無也字

知和曰常知常曰明益生曰祥心使氣則彊

益生曰祥心使氣則彊曰則二字河上公作日案淮南
子並作曰彊或作強

物壯則老謂之不道不道早已

右第五十五章八十三言

河上公以此作元符章

知者不言也言者不知也

河上公王弼無二也字

塞其兌閉其門挫其銳解其紛

紛王弼作分谷神子作忿

和其光同其塵是謂元同不可得而親

不可上河上公王弼有故字

亦不可得而疏

王弼無亦字下二句同

不可得而利亦不可得而害

王弼害作劇蘇靈芝書作穢說文解字劇利傷也無穢字

不可得而貴亦不可得而賤故爲天下貴

右第五十六章七十言

河上公以此爲元德章

以政治國以奇用兵以無事取天下

政河上公王弼作正六二字通用

吾奚以知天下其然哉以此

奚河上公王弼作何並無天下二字王真無哉字

夫天下多忌諱而民彌貧

諸本無夫字

多利器國家滋昏

河上公王弼上並有民字

民多知慧而衆事滋起

河上公王弼作人多伎巧奇物滋起司馬光伎作利

法令滋章盜賊多有

河上公本令或作物史記及諸本並作令

故聖人云我無爲而民自化我好靖而天下自正

靖諸本作靜天下諸本亦作民莊子作無爲而萬物化

淵靜而百姓定

我無事而民自富

明皇王真句在我好靖句之上

我無欲而民自樸

明道藏河上公本下又有我無情而民自清句攷諸本皆無之

右第五十七章九十二言

河上公以此爲淳風章

其政閔閔

河上公王弼作悶悶

其民僣僣

河上公作醇醇王弼作淳淳淮南子同河上高誘曰本作純純說文解字僣富也

其政咎咎其民缺缺

答河上公王弼作察同

禍兮福之所倚福兮禍之所伏

明皇陸希聲無爾之字

孰知其極其無正袞

袞陸希聲作邪河上公無此字

正復爲奇善復爲祺

河上公祺作詖王弼作妖案妖應作娛古無詖字

人之迷也其日固久矣

韓非子固下又有以字河上公王弼無也矣二字陸希聲作民迷其日固以久矣

是以聖人方面不割廉而不剝

劇河上公作害

直而不肆光而不耀

王弼耀作耀李約本作方而不割直而不肆光而不耀
廉而不劇劇本或作穢非耀俗作耀

右第五十八章七十三言

河上公以此爲順化章

治人事天莫若嗇

人陸希聲作民若王弼作如

夫惟嗇是以早服

以諸本皆作謂韓非同奕

早服謂之重積德重積德則無不克無不克則莫知其極

莫知其極可以有國

韓非作則可以有國

有國之母可以長久是謂深根固柢

柢河上公作蒂韓非作深其根固其柢無是謂二字蘇
靈芝書亦爲蒂

長生久視之道

韓非下有也字

右第五十九章六十四言

河上公以此爲守道章

治大國若烹小鮮

大國下韓非有者字烹應作享開元石刻作享

以道涖天下者

河上公王弼無者字韓非有古涖字作竦亦通用位俗作涖及莅並非也

其鬼不神非其鬼不神其神不傷人非其神不傷人聖人亦不傷人夫兩不相傷故德交歸焉

韓非子作非其鬼不神也其神不傷人也聖人亦不傷民兩不相傷則德交歸焉谷神子亦無故字

右第六十章四十九言

河上公以此爲居位章

大國者天下之下流天下之交天下之牝牝常以靖勝牡以其靖故爲下也

河上公王弼作大國者下流天下之交天下之牝牝常
以靜勝牡牡以靜爲下明皇陸希聲陳象古較河上弼
中多天下之交四字陳象古讀牝常以靜勝斷句牡以
靜爲下斷句道德書唐以後惟奕本多古字古文此或
未然歟

故大國以下小國則取於小國

河上公王弼無於字下同

小國以下大國則取於大國

此取河上公一本或作聚

或下以取或下而取

王弼句上有故字河上公一本亦作或下以聚

大國不過欲兼畜人小國不過欲入事人兩者各得其所
欲故大者宜爲下

河上公王弼兩者上有夫字王弼無故字

右第六十一章八十九言

河上公以此爲謙德章

道者萬物之奧也

河上公王弼無也字

善人之所寶

河上公王弼無所字

不善人之所保

谷神子作不善人之所不保

美言可以於市

河上公王弼無於字淮南子作美言可以市尊

尊言可以加於人

河上公王弼作尊行可以加人淮南子作美行可以加人

人之不善何棄之有故立天下置三公雖有拱璧以先駟馬不如進此道也

河上公王弼進上有坐字無也字

古之所以貴此道者何也

河上公王弼無以字也字

不曰求以得有罪以免耶故爲天下貴

曰河上公作曰王弼作不曰以求得

右第六十二章八十五言

河上公以此爲爲道章

爲無爲事無事味無味大小多少報怨以德圖難乎於其
易爲大乎於其細

本皆無二乎字

天下之難事必作於易天下之大事必作於細

河上公王弼皆無二之字

是以聖人終不爲大故能成其大夫輕諾者必寡信多易
者必多難

王弼本無二者字

是以聖人猶難之故終無難矣

河上公無矣字

右第六十三章八十五言

河上公以此爲恩始章

其安易持其未兆易謀其脆易判

判河上公作破王弼作泮陸德明曰脆河上作臠說文
解字云臠奕易破也脆小奕易斷也是臠脆同義古無
脆字當爲臠泮判字通

其微易散

李約上有故字

爲之乎其未有治之乎其未亂

河上公王弼乎皆作於無其字

合裛之木生於豪末

流俗本豪作毫非是裛或作抱亦非

九層之臺起於累土千里之行始於足下爲者敗之執者失之是以聖人無爲故無敗無執故無失

河上公無是以二字

民之從事常於其幾成而敗之

河上公王弼無其字

慎終如始則無敗事矣

河上公王弼無矣字

是以聖人欲不欲不貴難得之貨學不學以復衆人之所

過

復上河上公王弼無以字韓非亦無以不欲下有而字
復下有歸字所過下有也字
以輔萬物之自然而不敢爲也

本無也字

右第六十四章一百三十一言

河上公以此爲守微章

古之善爲道者非以明民將以愚之民之難治以其多知
也

河上公王弼並作智多無也字

故以知治國國之賊也

王弼無也字河上公并無故字

不以知治國國之福也

河上公王弼無也字

常知此兩者亦稽式也

王弼無常也二字河上公作楷式王弼曰稽同也與鄭
元注尚書稽古之義合

能知稽式是謂元德

河上公王弼能作常

元德深矣遠矣與物反矣乃復至於大順

河上公王弼作然後乃至大順

右第六十五章七十四言

河上公以此爲淳德章

江海所以能爲百谷王者以其善下之也

諸本無也字

故能爲百谷王是以聖人欲上民必其以言下之

河上公無其字王弼并無聖人二字明皇同奕

欲先民必以其身後之

河上公王弼無其字明皇同奕

是以聖人處之上而民弗重處之前而民不害也

河上公作處民上而不重處民前而不害王弼作處上而民不重處前而民不害明皇同弼民作人本皆無也

字

是以天下樂推而不馱

馱蘇靈芝書同本皆作厭

不以其不爭故天下莫能與之爭

河上公王弼無上不字

右第六十六章八十五言

河上公以此爲後己章

天下皆謂吾大似不肖

王弼作我道大似不肖谷神子無皆字

夫惟大故似不肖若肖久矣其細也夫

河上公一本無也字

吾有三寶持而寶之

河上公王弼作持而保之陸希聲作保而持之韓非子
同奕

一曰慈二曰儉三曰不敢爲天下先夫慈故能勇儉故能
廣不敢爲天下先故能成器長

王弼無夫字韓非作故能爲成事長

今捨其慈且勇捨其儉且廣捨其後且先

王弼無其字捨作舍開元石刻作捨案應作捨

是謂入死門

河上公王弼作死矣

夫慈以陳則正

河上公王弼作慈以戰則勝韓非作慈於戰則勝依義

當作敝字

以守則固天將救之以慈衛之

道藏河上公本作天將救之以善以慈衛之然他本並無以善二字

右第六十七章一百五言

河上公以此爲三寶章

古之善爲士者不武也

河上公王弼無古之也三字明皇只無也字

善戰者不怒善勝敵者不爭

河上公作不與爭王弼作不與無爭字明皇同奕

善用人者爲之下

河上公無之字

是謂不爭之德是謂用人之力是謂配天古之極也

河上公王弼無也字

右第六十八章四十七言

河上公以此爲配天章

用兵者有言曰

河上公王弼無曰字

吾不敢爲主而爲客不敢進寸而退尺是謂行無行攘無
臂執無兵仍無敵

仍王弼作仍河上公王弼執無兵句並在仍無敵之下

陸希聲同義

禍莫大於無敵

無河上公王弼作輕下同

無敵則幾亡吾寶

河上公王弼無則字亡作喪

故抗兵相若

若河上公王弼作加

則哀者勝矣

河上公作則哀勝也王弼同奕無則字

右第六十九章五十七言

河上公以此爲元用章

吾言甚易知甚易行而人莫之能知莫之能行

河上公王弼作天下莫能知莫能行

言有宗事有主

主河上公王弼作君淮南亦作君

夫惟無知是以不我知也

河上公王弼無也字淮南有

知我者稀則我貴矣

河上公王弼作則我者貴

是以聖人被禍而懷王

河上公王弼無而字

右第七十章五十一言

河上公以此爲知難章

知不知尚矣

河上公王弼尚作上無矣字

不知知病矣

河上公王弼無矣字

夫惟病病是以不病聖人之不病以其病病

河上公王弼無之字韓非作聖人之不病也以其病病
是以不吾病

河上公王弼作是以不病韓非作是以無病也

右第七十一章三十二言

河上公以此爲知病章

民不畏威則大威至矣

河上公無則字王弼無矣字

無狎其所居

狎河上公作狹居司馬光作安說文解字無狹字

無猷其所生

猷本皆作厭下同

夫惟無猷是以無猷

兩無河上公王弼作不

是以聖人自知而不自見自愛而不自貴故去彼取此

河上公王弼無兩而字

右第七十二章四十八言

河上公以此爲愛己章

勇於敢則殺勇於不敢則活此兩者或利或害天之所惡孰知其故是以聖人猶難之天之道不爭而善勝不言而善應不召而自來默然而善謀

默河上公作墀王弼作緝陸德明曰梁武王尚鍾會孫登張嗣本有此坦案三字聲同故通用此字惟奕本作默耳

天網恢恢疏而不失

不河上公作勿王弼同奕

右第七十三章六十四言

河上公以此爲任爲章

民常不畏死

河上公王弼無常字

如之何其以死懼之

河上公王弼作柰何以死懼之

若使民常畏死而爲奇者吾得而殺之

得下河上公有執字

孰敢也

河上公王弼無也字谷神子作夫孰敢矣

常有司殺者殺而代司殺者殺是代大匠斲夫代大匠斲者稀有不自傷其手矣

河上公作常有司殺者夫代司殺者是謂代大匠斲夫代大匠斲者希有不傷手矣王弼作常有司殺夫司殺

者是大匠斲夫代大匠斲者希有不傷其手矣明皇作
常有司殺者殺夫代司殺者殺是謂代大匠斲夫代大
匠斲希有不傷其手矣陳象古作常有司殺者殺代司
殺者是謂代大匠斲夫代大匠斲希不傷其手矣本皆
異唯陸希聲同奕道德書河上公多與王弼同奕多與
希聲同也案淮南子作夫代大匠斲者希不傷其手亦
略與諸本異

右第七十四章六十一言

河上公以此爲制惑章

民之飢者以其上食稅之多也是以飢

飢河上公王弼諸本皆作饑案古饑饉字作饑飢餓字

作飢此應作飢諸本亦無者也二字

民之難治者以其上之有爲也是以難治

諸本亦無者也二字

民之輕死者以其上求生生之厚也是以輕死

諸本亦無者也二字無弟二生字

夫惟無以生爲貴者是賢於貴生也

河上公王弼無弟一貴字無也字淮南子作是賢於貴生焉

右第七十五章六十三言

河上公以此爲貪損章

人之生也柔弱其死也堅彊

彊或作強谷神子無二也下並同

艸木之生也柔脆其死也枯槁

艸木上河上公王弼有萬物二字

故堅彊者死之徒也柔弱生之徒也

河上公王弼無也字

是以兵彊者則不勝

河上公王弼無者字

木彊則兵

道藏中爽本兵字誤共案今河上公本亦誤共皆非也
王弼本作兵列子云老聃曰兵彊則滅木彊則折卽用
此文

故堅彊處下柔弱處上

王弼作強大處下

右第七十六章五十九言

河上公以此爲戒彊章

天之道其猶張弓者歟

王弼無者字河上公歟作乎邵若愚猶作由

高者抑之下者舉之有餘者損之不足者補之

補河上公作與

天之道損有餘而補不足

明皇無而字

人之道則不然損不足以奉有餘孰能損有餘而奉不足

於天下者其惟道者乎

河上公作能以有餘奉天下惟有道者王弼作孰能有
餘以奉天下惟有道者明皇作孰能以有餘奉天下唯
有道者陸希聲作孰能以有餘而奉於天下其惟有道
者乎李道純曰中加不足二字者非
是以聖人爲而不恃功成而不居

居河上公王弼作處明皇無弟二而字

其不欲見賢耶

河上公王弼無耶字

右第七十七章八十七言

河上公以此爲天道章

天下莫柔弱於水而攻堅彊者莫之能先

河上公作天下柔弱莫過於水先作勝宋徽宗同奕以其無以易之也

河上公王弼無也字宋徽宗同奕

柔之勝剛弱之勝彊

河上公上有故字王弼二句到轉淮南子兩句下並有也字

天下莫不知而莫之能行

河上公王弼作莫不知莫能行淮南子同奕

故聖人之言云

河上公作故聖人云王弼作是以聖人云

受國之垢是謂社稷之主受國之不祥是爲天下之王

河上公王弼作社稷王天下王無此二之字是爲之爲
河上公亦作謂淮南子兩受字上並有能字

正言若反也

諸本無也字

右第七十八章七十三言

河上公以此爲任信章

和大怨必有餘怨安可以爲善是以聖人執左契而不責
於人

李約無而字

故有德司契無德司徹天道無親常與善人

河上公王弼無故字

右第七十九章四十一言

河上公以此爲任契章

小國寡民使民有什伯之器而不用也

河上公作使有什伯人之器而不用王弼并無人字陸德明曰河上伯字絕句李道純同弼

使民重死而不遠徙雖有舟輿無所乘之

輿河上公作車民王弼作人

雖有甲兵無所陳之

陳應作陳

使民復結繩而用之

民王弼作人改民爲人皆唐本也

聖治之極民各甘其食美其服

河上公王弼無至治之極民各六字

安其俗

河上公王弼作安其居

樂其業

河上公王弼作樂其俗

鄰國相望雞犬之聲相聞使民至老死不相與往來

河上公王弼無使與二字

右第八十章八十五言

河上公以此爲獨立章

信言不美美言不信善言不辯辯言不善

善言辯言河上公王弼作善者辯者

知者不博博者不知聖人無積

無河上公王弼亦作不

既以爲人已愈有既以與人已愈多天之道利而不害聖人之道爲而不爭

右第八十一章五十七言

河上公以此爲顯質章

老子德經攷異卷下終

靈巖山館刊

